

吳興叢書

吳興志

吳興志卷十三

宋談鑰撰

宮室

銷暑樓在譙門東唐貞元十五年李詞建有詩四韻給事中韋某等詩六首開成中刺史楊漢公重修畢工在中秋日有詩四首大中閒刺史蘇時有銷暑樓八韻杜牧顧況亦有詩

會景樓在清風之下銷暑之上舊未有名治平中知州事徐仲謀以爲高下得所景物羣會取今名有記

清風樓在會景樓東貞元十三年刺史王浦重建宏壯於舊見統記上有張文規詩云清風樓下草初出明月

峽中茶始生謂此也徐仲謀詩曰郡城重疊聳危樓最  
愛清風景物優說者謂此樓與銷暑會景棟宇相接如  
修廊盛暑無畏日而清風常有因得名

卞蒼樓在子城北本名天王樓有毘沙門天王在焉曰  
卞蒼者取徐陵碑高卞蒼蒼爲義

右四樓並建郡圃徐仲謀會景樓記曰吳興郡環子  
城有十樓除消暑清風會景卞蒼見存外餘竝不存  
清風銷暑二樓谿山環列俯視萬井爲一郡登覽勝  
地自唐楊漢公再葺至後元祐呂溫卿復增闢今又  
百三十有餘年歲月悠久清風雖敲側尙可支惟銷  
暑風雨摧剝榱棟已腐嘉定癸未郡守宋濟卽故陟

累土爲臺撤而新之規模宏敞與清風會景併加葺  
治稍復舊貫

明月樓在子城西南隅知州事徐仲謀會景樓記云由  
臺門而西至明月樓建已久矣自譙門火止存舊陟舊  
編載唐人范傳正正月十五夜翫月詩有風淒城上樓  
月滿庾公樓夕照下西樓之句指言此樓蓋楊漢公八  
月十五日夜銷暑樓翫月有人在虛空月在谿谿上玉  
樓樓上月沈城上十樓未有確據也又云舊傳郡治大  
廳居中譙門翼其前卞蒼擁其後清風會景銷暑蜿蜒  
於左有青龍象明月一樓獨峙西南隅爲虎踞之形合  
陰陽家之說

賞春樓 望闕樓 翫景樓 映谿樓 照霞樓並開

成中造在子城上及四隅今無可攷或云今清風明月等樓或易舊名未可知也外又有三樓亦廢

韻海樓唐大歷七年刺史顏真卿建真卿在郡著韻海

鏡源三百六十卷因以爲名今廢

見舊經編

鎮湖樓徐仲謀詩云湖上風濤或泛浮城南因立鎮湖

樓今不存

見舊編

魚脯樓舊編云在儀鳳橋南塊東首歲貢魚脯就此樓修製樓屋至今雄壯析爲民居今有魚樓界尙存舊名鎮雲樓舊扁曰銷暑銷暑與清風會景爲三樓鼎峙於子城之東南隅舊編郡治譙門翼前卞蒼擁後而三樓

蜿蜒於左有青龍象爲郡偉觀寶慶丁亥秋颶風樓俱  
壞漳祐壬子知州事高衡孫營舊址建二樓銷暑改曰鎮  
霄清風爲複閣仍舊名而更爲東西鄉曩之會景樓則  
爲修廊使相聯屬二樓雖因唐舊而規模宏麗則遠過之  
鎮霄取義關係於形勢尤重而有體郡人陳振孫爲之  
記

六客堂在湖州府郡圃中熙寧中知州事李常作六客  
詞元祐中知州事張詢復爲六客之集作六客詞序曰  
昔李公擇爲此郡張子野劉孝叔在焉而楊元素蘇子  
瞻陳令舉過之會於碧瀾堂子野作六客詞傳於四方  
今僕守是郡子瞻與曹子方劉景文蘇伯固張秉道來

過與僕爲六而向之六客獨子瞻在復繼前作子野爲前六客詞子瞻爲後六客詞與廣和篇竝刻墨妙亭後人歆豔遂以名堂

逍遙堂在六客堂右知州事唐詢重建徐仲謀詩曰安寢有時延皓月閉門無處不清風棟宇甲於郡圃

熙堂在逍遙堂北嘉定三年知州事魏大中修易名思政四年知州楊長孺改浙西道院

四賢堂在鎮雪樓之下知州高衡孫因建樓卽樓北虛地爲小圃立四賢祠於堂所以景仰先哲垂訓後來也四賢乃內史王公太傅謝公忠烈顏公文忠蘇公皆郡之賢守云

碧瀾堂在子城南一百步霅谿之西岸唐大中四年刺史杜牧建中和五年刺史孫儲記云牧去後郡人望所建碧瀾堂若視甘棠本朝漕使陳堯佐張逸俱有詩及他篇詠刻石墨妙亭慶歷八年知州事唐詢修紹興十年知州事蕭振重修乾道初居民遺火延燎知州事王時升重建人謂不如舊制宏壯歲久復不葺嘉定三年知州事魏大中重修且卽堂後增砌水閣榜爲水晶勝境

水堂在汀風閣北舊編云舊名南堂

梁太守柳惲與主簿吳均常賦詩故

均有夜發南塘詩唐大歷中刺史裴清重修改今名刺  
史顏真卿有水堂送文士詩刺史張文規有水堂晚眺  
詩堂北有迎恩驛建炎中郡增置今亦爲贍軍等酒庫  
此較務遂併汀風閣與驛爲之也



茗谿館舊圖經曰嘉祐二年知州事楊紘建今爲轉運  
提刑司 按茗谿在儀鳳橋故舊編云在湖州府子城  
西南亦不詳所在

霽谿館統記云在府南二百步本名白蘋館舊編云在  
白蘋洲西南梁太守蕭琛置唐開元二十四年刺史韋明  
敷改爲開政館大歷元年刺史顏真卿改今名以其臨  
霽谿也刺史杜牧之有得替後移居霽谿館詩四韻自  
洲爲倉縣廢其址卽今雙谿亭統記以爲錢氏改爲碧  
瀾堂誤也城外又有謝堂館在謝塘見謝塘下

昇仙館在府城東一十八里正元十年刺史于頔置

東遷館在府東四十里本名太湖館開元二十九年刺

史張景遵置大歷九年刺史顏真卿易今名以其在晉東遷縣故地也正元十年刺史于頔以其近昇仙館移向東二十里巖邨置之

震澤館在德清縣東九十里開元二十九年刺史張景遵置取震澤名

餘不館在德清縣南二百步唐天授二年置以臨餘不谿也近市亭山竝廢

汀風閣在碧瀾堂北統記云在府南一百步或使命至泊於此今爲贍軍酒庫

### 苑囿

都有苑囿所以爲郡侯燕衍邦人游息之地也士大夫

從官自公執掌之餘亦欲舒豫乃人之至情方春百卉  
敷腴居人士女競出遊賞亦四方風土所同也故郡必  
有苑囿與民同樂囿爲亭觀又欲使燕者款行者憩也  
故亭堂樓臺之在園囿者宜附見焉吳興山水清遠城  
據其會騷人墨客狀其景者曰水晶宮曰水雲鄉曰極  
樂城楊漢公詩曰谿上玉樓樓上月清光合作水晶宮  
景祐中王惟正送葉參知鄉郡詩曰雲谿水雲鄉元祐  
中知州事林希因上地圖詩云繞郭芙蓉拍岸平花深  
蕩槩不聞聲萬家笑語荷香裏知是人閒極樂城一城  
之內觸處見山洛陽民居見  
山出見山錢觸處可以引谿流故凡爲苑  
囿必景物幽雅雖近市如在雲巖江邨所以爲貴也唐

開成中白蘋洲有三園錢氏時清源門內有芳菲園宋  
寶元中定安門內有南園今者是園廢爲庾廩矣爲居  
宅矣爲招提矣園之亭館自白蘋外俱不可見鄉老寓  
公多爲芳圃亭宇相望沼沚旁聯花木蒨茂遊者爭眩  
物故不能兩盛也城北舊有俞安撫園向安撫園今有  
趙太師園葉左司園城南舊有沈尙書園今有萬侍郎  
南園月河有莫郎中園其他未易悉數郡圃在郡治之  
後

亭

清樾亭在墨妙亭南今廢

墨妙亭在清樾亭北熙寧中知州事孫覺建蘇軾記云

凡境內自漢以來古文遺刻取以實之又有詩一時名公相繼有作舊刻不存蔣璨復書於石嘉定四年知州事魏大中重建

芳菲亭在墨妙亭之前

快哉亭在子城上東北隅

挽翠亭舊在子城東北角慶元六年知州事李景和重修於六客堂北

八角亭唐大歷中刺史顏真卿始翦榛棘疏谿流以建茅亭亦顏公建書柳惲江南曲於上後楊漢公作五亭有記因列茅亭及舊址於碑

迎春亭在東門內唐刺史杜牧造孫儲白蘋亭記云杜

公遺愛所建迎春亭郡人視之猶甘棠後嘗改爲驛今復亭名

濯纓亭在南門內紹興初知州事朱勝非建暇餘不谿清水故以濯纓爲名

白蘋亭在白蘋洲北唐正元中建後刺史楊漢公重葺白居易記曰以其架大漢跨長洲者謂之白蘋亭蘋洲諸亭自築倉後惟此獨存紹興中郡以假寓公遂致廢壞慶元六年知州事李景和重建殿中侍御史陳謙書額又修石橋及橋亭廊廡又於亭相對創後屋三間丹牕一新復還舊觀

疊翠亭在白蘋亭北小橋之外臨水面南山一帶故名

疊翠慶元六年知州事李景和重修知州趙師夔書額  
雙谿亭在洲西南卽霽谿館舊址以二水名淳熙二年  
知州事趙師夔修

三匯亭在疊翠亭北以眾谿所會名亭以爲公廡者二  
會谿亭在白蘋亭北近運河水會霽谿處故名今爲歸  
安主簿廡舍乾道中主簿沈與求請建

浮玉亭在烏程縣南臨苕谿舊扁按顏魯公集有柳惲  
西亭記云湖州烏程縣南水亭卽柳惲西亭也又引吳  
均入東記云惲爲郡起西亭毘山二亭悉有詩又引陸  
羽圖記云西亭在城西南二里烏程縣南六十步跨苕  
谿爲之天監十六年所建以其在郡治西故名或曰卽

柳惲亭也惲初作亭嘗與吳均賦詩後嘗名霽水堂唐  
隋州刺史劉長卿有題烏程李明府霽水堂詩又名水  
樓監察御史皇甫曾有烏程水樓留別詩本朝天聖中  
縣令方仲弓重修以亭臨苕谿水來自浮玉山故易今  
名判官鄭戩爲記今爲烏程主簿廨舍

東亭統記云在東門外三里臨荻塘

西亭在西門外臨谿惲有造西亭詩五韻舊爲迎送客  
處今不存

艤舟亭在白蘋館北舊經云臨霽谿

煙雨亭在府西南八十六步舊圖經云唐烏程令李何  
建亭宇并敞棚六間咸通五年刺史姜源重再修自爲



煙雨亭記今醋庫卽遺址

四水亭在安定門內馬公橋南宣和中知州事葛勝仲  
建今廢

六客亭在郡圃中元祐中張詢復作後序曰昔李公擇  
爲此郡張子野劉孝叔在焉而楊元蘇子瞻陳令舉過  
之會於碧瀾堂子野作六客詞傳於四方今僕守是邦  
子瞻與曹子方劉景文蘇伯固張秉道來過與僕爲六  
而向之六客獨子瞻在復繼前作子野爲前六客詞而  
子瞻爲後六客詞

歲寒臺倚子城東壁旁有古松係郡圃經遊之所

毘山亭在毘山梁吳興太守柳惲所創惲與郡主簿吳